

羊城古鈔



順德梁鉢瑤圖書館備存

甲子冬玉邑人何竹平敬贈



順德仇池石輯

大賚堂藏板

羊城古鈔

羊城古鈔自序

天下爲耆古好奇之士恒多舍近而圖遠厭小而務大六合之遙四海之富苟有殘山賸水漏義遺文頗堪傳述者莫不旁搜遠博罄其藏而始快以故十洲三島三都南京諸勝掩卷遐思恍如目覩無他情之專也及語以本國遺徽故鄉軼事反不能無習而不察語焉不詳之處是何易其所

羊城古鈔

自序

一

難而難其所易耶豈所謂貴耳而賤目者耶帝堯之歌曰不躋於山而躋於垤人之常情類然也不佞粵人也輒不自量竊欲效司馬子長遍覽天下奇山水發我性靈誠大快事顧有志未逮亦惟是生於粵長於粵南人操南音雖不忘本不已陋乎吾知淹博通儒必有以井蛙貽譏者雖然吾聞之平地爲山先覆一簣寸雲觸石遞偏

九垓所積者漸也彼六合之遙四海之富

安知不自父母之邦始識之乎且以吾粵而論南交地宅半壁天開移鄒魯於海濱聚仙靈於窟宅其地其人固多是紀又况省會之區尤爲領袖百粵冠冕炎洲者也自漢以還山川之淑氣常凝文獻之流風可接詩曰惟桑與梓必恭敬止桑梓且然况山川文獻之大歟閒嘗登玉山步層樓南望尉佗城靈洲注其西扶胥繞其東其中偏霸業沉衣冠盛氣遐踪往跡皆在是焉祇徊者久之而懷古之情頓深矣興到狂吟往往而有爰搜三城之名勝檢入詩題覽千古之芳踪徵爲典故登臨偶記無非稗史傳聞取次不倫未免吟壇見哂第提表而先擷領將十郡自可徐參循此濫觴則雖十洲三島三都兩京無不神遊其

羊城古鈔

自序

二

盛又何有於殘山賸水遺文漏義而不拓
拾其餘哉若然則謂羊城爲覽勝之發軔
而古鈔乃淹雅之雉輿也可竹嶼仇巨川
滙洲氏自序

羊城古鈔序

國家之化與天同遠地不得域而限之也
往蹟之垂由地而推天亦無容混而合之
也是故彼一山川也此亦一山川也而名
勝分焉彼一人物也此亦一人物也而事
跡殊焉惟其殊而分也地若有以限之然
究其分而不分殊而不殊者則同乎天矣
譬之川也海也川之流以百計而海之大

則滙於一宇宙間事物至繁要未有不由
小以見大由近以至遠亦猶百川之分且
殊未有不歸于海而後見萬派之混茫無
涯千頃之變幻無盡者審其源流固有自
爾噫嘻此仇君竹嶼羊城古鈔之所由輯
也仇君吾順之勒竹人也順邑處羊城西
南境接南番香新之交無地非水所居山
莊村舍悉水繞其旁而舟楫往來隨潮上

下一望而波光四合景物超然故其人士類多瀟灑出塵能文章工吟咏而其所著見者亦無涯無盡一寓其汪洋浩瀚之勢論者謂地之靈有以鍾之也若仇君則更篤於學雖終身布衣老而不倦知君者未有不爲君惜而君固淡如也始予聞君之名而未識其人乾隆己酉之秋晤君于羊城客次因獲觀其詩古文詞洋洋焉浩浩

焉蓋於學無所不窺而近而親炙之者幾不知其津涯之所自也爲之嘆惜者久之後復以其所輯羊城古鈔質於予曰吾生平頗耽吟咏每事搜羅然竊怪當世之騷人墨客往往侈談天下之大四海之遙無物不有無事不備一反質諸其小者近者而茫然矣夫小者不遺而後可見其大近者不遺而後可及諸遠舍是以求烏觀其

所謂博聞廣見哉予深然之又後十年嘉慶己未之冬時予乞假歸里君復以書來歷言生平所著詩文并道其心力所注者羊城古鈔一書願予有以成之也予適纂輯鄉志因延其抵齋互爲商榷庚申春君果携書而至風雨聯床喜形於色乃甫閱兩月而君病病而歸歸而不起其書宛然其人已古不忍虛其來意遂爲之檢訂爲

之繕寫其條目則約而得要其體例則備而不煩舉一羊城推之全省可知推之天下皆可知名以古鈔推之已往可知推之未來亦可知誠以古今之故事物之原其同得于天者地不得而限之也然欲見其大而畧其小不能窺也欲極之遠而舍乎近不能至也羊城一川也古鈔一川之流也天下有百羊城百古鈔將由百川而滙

於海而海之大不已儼然在目也哉予願
讀是書者同窺此意也尤願讀天下古今
之書者皆同窺此意也爰弁數言付諸梨
棗噫嘻是豈有數行乎仇君之願其畢焉
矣乎而予之事亦畢焉矣乎仇君有知其
將含笑于地下矣予嘉慶十一年歲在丙
寅孟秋上澣謙山居士溫汝能謹撰

羊城古鈔纂輯書目

尚書

詩經

周禮疏

春秋元命苞

杜預左傳注

爾雅釋天

爾雅注疏

正義

皇甫謐帝王世紀

通歷

汲冢周書

史記

史記天官書

漢書

西漢書

前漢書地理志

後漢書

晉書

羊城古鈔書目

晉史

宋書

梁書

陳書

齊地理志

隋書

隋地理志

唐書

晉書天文志

唐一行天文志

唐書地理志

五代史

偽南漢書

南漢劉氏興亡錄

通鑑

宋史

宋史天文志

宋中興天文志

宋兩朝天文志

崖山志

崖山新志

元史

明統志

明史

大清一統志

皇輿圖表

鄭樵通志

杜佑通典

蔡邕月令章句

淮南星部名

星經

星書

廣東通志

黃泰泉舊通志

戴璟通志

郭棐通志

廣州府志

裴淵廣州記

交廣春秋

楊雄交州箴

羊城古鈔書目

南海舊志

南海縣志

番禺縣志

番禺續志

通志叅補

交州外域記

古圖經

桂海虞衡志

吳淵穎古蹟記

韶郡志

唐荆西域志

沈懷遠南越志

南越志

陸賈南越行紀

楊孚南裔異物志

陳承韜南越記

續廣州先賢人物傳

圖經

方輿勝覽

廣州人物傳

交州外志

順德縣志

荊州記

南征錄

太康地記

嶺表異錄

南海神廟記

蔣之奇記

韓退之序

吳澄記

王勃記

嶺南雜記

李昉英南海志

鄧德明南康記

郭璞山海經

淮南子

抱樸子

莊子

列子

董子

羊城古鈔

書目

三

李太白詩集

韓昌黎詩集

陸龜蒙集

王幼安集

黃泰泉文集

湛甘泉文集

孫西庵集

海目詩集

方信孺南海百詠

海珠寺志

光孝寺志

靈洲山寺志

湯价慎思錄

蓮香集

西樵山志

羅浮山志

寰宇記

風俗通

山堂考索

文獻通考

响嘯碑

驟鸞錄

論語摘輔象

冊府元龜

雙槐歲抄

嵩溪纖志

酉陽雜俎

湧幢小品

西事珥

老學庵筆記

道書

列仙傳

玉堂嘉話

名勝記

觚賸

王弼州艷異編

羊城古鈔

書目

四

羊城古鈔

凡例

一羊城爲東粵省會之地各志紀載甚詳似不必災梨禍棗專勒一書況乏史才何敢漫言捉筆但志書大則天下全省小亦一郡一邑所載浩繁且其中條目多有爲作志所必詳而服古之儒或不暇事此者是書之輯第遵各志併旁搜諸書而滙錄之名曰羊城古鈔聊以備吟眺中資考核爾非稗史也

羊城古鈔

凡例

五

一纂輯諸書謹按

大清一統志

御覽廣東通志爲宗廣州府志及南番邑志次之而雜志雜書亦多採錄焉間叅以愚見要必有所根據斷不敢妄逞臆說

一古鈔而曰羊城是所鈔者專在羊城也固不敢廣羅外地混同各志然亦非止此城廂內外也所有鈔錄一遵志載

國朝羊城八景之地以爲斷限

一志中多相沿舊志於前朝年號人名之上

國朝也

明漏一茲二前代年號人名雖衆入熟

一是書首揭輿圖使羊城大勢燎如指掌而輿圖尤先冠以粵會賦者蓋以是賦備羊城之大勢而又已櫟括是書之大略也提裘挈領端在乎是故錄卷首

羊城古鈔

凡例

六

一通志星野不言占驗而熒惑守斗及孛于牛女之類散見編年中茲櫟紀於星野之末并附錄祿祥以便叅考

一山川脈派乃全省形勢之所融結不敢從略故山必遠宗乎大庾水則直溯乎牂牁固不得以八景所至之例限之

一西樵山乃

國朝羊城八景之一雖遠在百里之外亦必詳及

一各志井泉或入山川或載古蹟參差不一

茲並入古蹟以便查閱凡井泉之爲川
已鑿而得人事所存斯古蹟係之矣

一藥洲已其其名於山川而復詳載於古蹟
蓋洲本川也而古蹟尤著故分列之而詳
畧殊焉

一九曜石客石也不得與浮邱魚珠諸石並
入山川中多古蹟故入古蹟

一祠壇寺觀兩者有祠壇而僧道居焉有寺
觀而神靈祀焉其本祠壇者則列入祠壇
本寺觀者列諸寺觀

羊城古鈔

凡例

七

一塔本浮屠氏所製以藏諸佛舍利者卽中
國之墳也今城邑多建之以壯形勢而原
其始則非爲形勢設也固宜附於瑩墓但
閱各志悉載在古蹟豈真以古蹟重耶抑
亦不欲以浮屠之例例中國耶茲謹依志
載仍入古蹟

一紀事始於趙佗佗以前非無事可紀但事
少而詞簡沿革已載茲不再錄

一國初勦滅諸盜不盡在廣州然勞師動衆多出

於廣且諸盜與尙藩相終始故悉錄之

一粵中名宦人物光昭史冊者難以枚舉其
非有殊跡廟食著於羊城者不服悉紀

一通志名宦傳中忠義另標一門謫宦流寓

附後人物傳中忠烈孝義文苑隱逸另標

一門烈女另錄所載者多故別之耳茲惟

順挨年代而槩紀之而傳末仍列明各門

字樣庶不混雜

一羊城景物歷來眺吟諸什美不勝收間有

鈔錄不過借文徵事耳非有予取也羊城

羊城古鈔

凡例

八

詩鈔別彙成編俟續出

一羊城古鈔類分八卷輿圖首列明有象也

有象斯有形形而上者爲星野形而下者

爲城郭爲山川故卽次之有城郭山川斯

度地居民而有建置祠壇學校坊表則建

置之大者也憑邱壘以吊先哲觀郵政而

頌

皇仁斯又文人學士所不能已於懷者至于浮屠

老子之宮建置已鉅各志獨次于後好亦

緇黃二小

一

人財勝之

區視之存而不論焉可也有建置斯不能
無沿革故受之以沿革有沿革而事紛如
矣故復紀之以事事存乎人故受之以名
宦人物先名宦而後人物禮也亦分也若
夫仙釋自異齊民高言出世斯不得而人
之矣乃復齒于人後者亦猶存浮屠老子
之宮之意也由是而名賢接踵仙梵遺蹤
古蹟傳而靈異著矣雖然物不可以終異
盈天地間事事物物皆常道也故受之以
雜事雜物終焉凡此皆古意所存閱之者
可以興矣而登臨吟咏之需皆于是乎取
焉若夫貢賦倉貯兵制鹽政之類各志甚
詳無關吟眺茲不具錄博聞強識之士另
參各志可也

羊城古鈔

凡例

九

一羅浮山太史公謂爲南嶽佐命道書稱爲
天下第七洞天可謂名勝之大者矣遊吾
粵而不知有羅浮何異跡遍天下而不知
有泰華武夷天台雁宕也故附錄是山以
爲選勝者覽焉或曰是亦廣州之東樵也
當與西樵並錄否則附諸山川後可也茲

乃力置卷末是亦不可以已乎不知是書
旣以

國朝羊城八景所至爲限則羅浮斷不得闌入
山川之內矣蓋其不闌入者以斷限重也
而必附錄者以名山重也

一宋亡於崖石是書錄之似失斷限然當時
廣州得而復失者四寶與崖山相爲存亡
必條明其三復四失之顛末而崖山之事
所遺者寡矣故連而及之

一廣州府志載張文獻余忠襄人名宦以二
公非廣州人而曾宦於本省也若夫羊城
則爲通粵省會之羊城非廣州所得而私
有矣故列人物

羊城古鈔

凡例

十

羊城古鈔目錄

卷首

輿圖

卷一

星野
祿祥附

城池

卷二

山川

卷三

祠壇

羊城古鈔

目錄

土

學校

坊表

寺觀

郵政

瑩墓

卷四

沿革

事紀

卷五

名宦

卷六

人物

仙釋

卷七

古蹟

卷八

靈異

雜事

雜物

羅浮山附

羊城古鈔

目錄

土

羊城古鈔卷首

輿圖

順德仇池石秦山氏輯

粵會賦

百粵之會是爲南海仰瞻曙曦星紀所在黃鍾協律赤燦流形上燭南斗之精下凝衡岳之靈左峙荆揚五嶺之重阻表以靈洲黃嶺之山右瞰黔柯瀾渤之洪波帶以桂鬱滇肆之川神鼇奠足星鴉頻首睇睇睺閩若趨若走前有虎頭之門限隔島蜃來航萬里泝沿漶瀾而凡耽羅眞臘之屬其布

羊城古鈔

卷首

七

猶基焉於後則白雲紫雲迤爲越臺曹幕地湧石門天開蹕以羅浮璇房瑤室穹窿窗翠巖從鬱律朱明靚深鐵橋巖岌神芝珍禽往往叢集近郭則會以九曜縈以三江表裏回遊奔峭飛淙沉珠拾翠礪礪盪激入極浦而邇迴迷不知其所適於遠則循洗口以荒極得靜福之寒林接黃連之巨嶠信南戒之喉襟呀峽山而陟韶石撫神臯而挹粵區蓋自赤縣之外於焉重啓堪輿睇暘光於夜半矧靈景之扶胥殆有大章孺亥所不能週林閭梗與靡得而書者矣方姬籙之季羸秦擇肉勁越守

羊城古鈔

卷首

七

險尸尉睢而摧監祿雖大荒之南徼風氣則通乎域中道汙而汙道隆而隆東井緯聚龍戰而夏季以兆王佗以基霸遇呂雉而白君待漢文而後順經潼關以立國迄獲嘉而始郡邵讓貢而漢復炎區景壞而火終運郭馬亂吳盧循覆晉馮歸隋治劉據唐衰至於張降眞伏雖百世可知也宜其可定爲巖邑實係皇輿之安危然而議者猥言荒裔殊異要綏豈不戾哉自明代之通輿也淮飛神龍陸剪長鯨薄海內外罔有不庭左丞稽首遂合三城千雉宏麗五輦飛驚增拓黃圖延納丹溟婉周法而剋元葳陋囂隲之所經營於是登望則綴珠崖亘銅柱跨龍編揮鱷渚北通燕薊吳鈞楚距萬里帆檣蠻煙蜚雨胡賈謁來所至成聚斷虹北颺戢船紫嶼其氣候之不齊或瞬息而備寒暑然而謫徙寢繁華風日邁霜雪時降民不告憊允矣樂國四方所屆實泉貨之淵藪囊夏之都會也內則閭閻撲地長衢廣陌關關七門溝瀆六脈臚列市廛墜分貿易連葢結駟埃壚相射莫不奴陶頓僕翁伯皂張里臺濁質囊橐孔鉤缺斛盈溢犬馬蹴紅腐緝繻朽赤仄執牙籤以夜籌向什一而今千

百山澤之沃鍾爲土毛禾稻綺錯杭穉穉釋墜
交經枕海連臯秋成豐蔚富侈相高賽社祈年或
沉湎而自豪其布帛則攀枝吉貝機杼精工百卉
千華凌亂殷紅蕉芋雲浮紬縵冰空疎絺繭暑密
斜弭風其材木則松楠楓樟杉榆櫟栢穀椐
榕櫟椿樗合抱隱岑千仞排虛剛柔性異貞脆質
殊卑高沃瘠各隨所如其香藥則沉檀安息白膠
青木馬牙鷄舌龍腦天竺卷柏茯苓青精黃獨宜
男益母有繁其屬其果則盧橘楊梅黃蕉丹荔柑
橙丸金椽柚幄翠橄欖餘甘五斂千歲人面薦仁
羊城古鈔 卷首 五

之富傳自古昔苟非上失其道則亦無致於捐瘠
故其民莫不因歲時事娛嬉蒲澗越井吊古探奇
騰吹峻坂弭蓋清漪邀陌頭以偕樂導雙旌而前
馳亦有俠客疇人五豪七貴偷魚鬪鷄攤錢角觥
六博五白弦管流涕爰長騁以遐眺挹自然之神
麗循東溪陟北岡度樾橋至珠江刺桐木槿含榮
吐芳素馨茉莉旖旎芬香柳漿醉客侑以檳榔竹
枝金鏤翠翹明璫擁豆饌之蛾眉萃鱸膾之衣裳
蓋處沃土而淫惰民之常也方和樂而謳吟世之
昌也使歌喬木之南有戒蟋蟀之太康則雖好樂
羊城古鈔 卷首 六

宜濛濛水其蔬則金薤玉藟香菌紫芝杞吠靈虯
芋眩蹲鴟樹那後蘿紅葩綠蕤擢舊盈園搖芳映
畦至於鷄豚散野牛馬量谷家積登椒戶映藤竹
魚鹽漆蠟其糞如族家術廣於齊民之篇植品參
於桐君之錄矧又火伏孽鳧海緼懷珠山愾水封
鑿磯攻瑜據險角力歲罔奠居賁身徇財卒證爲
愚島舶之來有衆其寶錯鐐鎖劍璠璣瑾璫璣璠
瑟瑟瑤琨瑪瑙玻璃珊瑚琉璃車渠木難火齊陽
燧方諸龜筒鶴頂犀角象齒貓睛口耀鴉鵲霞綺
流黃空青縹碧紫英其晉如雲其曠如星蓋廣南

又奚傷焉蓋亦覽霸迹以自明乎昔尉佗之在秦
也力政毒痛血民於牙咸陽瓦崩萬寓璽拏於是
乘黃屋而白王總朱垠以爲家乃據秦府庫殺其
長吏營宮建室自置神器設門曲榭抵鄂宏閼虹
梁繼連雲構林植旣崔嵬以宏璉又寧豁而最肩
左肅以朝箕踞魍結爰立相臣御史中尉將軍郎
吏竒竊秦制闕道闕闕高薨甲第上崢嶸而瓌瑋
下金艘而繪纈避暑離宮不知其幾汔莫能名其
一二焉猝遇陸生築臺朝漢蒸土切厓揭孽隆吁
增寬承雲立其楨連岫複坂環其畔視奔星之俯

馳梔流泉之漉漉國終殄於樛女歸餘基之漉漉
民生其時亦孔之悲工役不息肉刑且施辟張羅
以絕飛走又爲豺虎而畋之漢唐休養施於五季
兵纏紫微蠹及丹裔劉龔僭據業承先世身爲蛟
蜃恣厥吞噬乃自謂膺乾符執坤樞熙鴻名恢駿
圖鑿翠闢郭繚瀛作都雙闕微道九軌經途門千
戶萬宿衛周廬構乾和之寶殿法太紫之規摹抗
應龍於閭闔耀玉題與金鋪罍恩涸洑以迤邐藻
井狎獵以紛敷後宮則有禹餘太一景福龍應王
清思元南宮定聖南薰別殿北接明光椒鶴貫魚

羊城古鈔

卷首

七

袂服靚裝溫室甲帳永巷迴廊飾華榱以懸黎緣
繡楯以璧璫苑囿則有昌華芳華甘泉望春飛橋
跨沼崇桃映津泛栢濯足翼翼鱗鱗離宮閒館亘
五十里呼鸞載道引以蘭綺蒼蚪銜綏白澤衛軹
時升中於園邱或耕藉於中鄙復通鄰而耀武啓
封疆而自喜左三湘而右八桂控賁禺而役交趾
又有玉液之池明月之峽含珠之亭紫雲之閣桀
壁對峙洸泉旁達修篁灌木青翠相發風露披瀝
於翳蒼日月投光於巖穴矚名勝而建浮屠宮於
四周者二十有八叶列宿之景曜金磬鏜鏘而互

啓者彼北宮迄於西城層軒疊閣建鼓揚鐘宮娥
競麗和音咸集以內人於樂洲陳不死之冊經又
有三事六宮府者司之園臺石室濟諸虎鵬
開靈閣度夜半紫微神肆征權克夷金陵供御紅
雲設宴蟠桃宴仙聖衛衛志學士自宮以求進才
人調謠而見乃設水鏡乃樹乃山槐棘之貴就
修猶營窟散於黃腸龍德通乎元間民亦何辜
辱此凶艱蒙元方與宋社將屋識符四廣厄鍾百
六變真符於唐門竟彫丹而不復百萬王師盡化
爲魚正后忠臣之氣豈懸慘而不舒然經慈元之

羊城古鈔

卷首

七

殿陟瞻承福之陵墟徵天道之往復而奚必詠秀
麥之油油與皇矣太祖德合泰清命彼征南掃此
樓槍風邛月寢歎寒來庭詔幽帶以天光振潛蟄
以仁聲故雖百粵之遐邇仰人文而化成泊列聖
丕承蕩蕩涵育三辰受撫四靈在畜道胡不臻化
胡不穆天地無爲鼓其化者豪籥神功不宰分其
治者岳牧是以簡賢哲之霽霽用班布於南服乃
建徽藩其藩耽耽乃建霜臬其臬巖巖都茲兵閫
竝立爲三驄馬行臺以察以監十府七州雌塗郡
閣縣踰六十犬牙間錯駢駢庠序泮宮俱作衛所